



**NAŠA
STRANKA**

Politička organizacija građana „Naša stranka“
Općinski odbor Velika Kladuša
Adresa: Adresa: Sulejmana Topića bb
Telefon: 060 311 6674
E-mail: __info@kladusajenasa.org

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinsko vijeće Velika Kladuša
n/r predsjedavajući, Admil Mulalić

PREDMET: VIJEĆNIČKA INICIJATIVA

Poštovani,

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da podnosi inicijative, koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, upućujem vijećničku **inicijativu za uvođenje obavezne registracije, sterilizacije i kastracije vlasničkih pasa na području Općine Velika Kladuša radi smanjenja broja napuštenih pasa ili pasa lotalica**. Usvajanjem ove inicijative obavezuju se nadležne službe Općine da u roku od 30 dana izrade normativno-pravne akte koji regulišu procese registracije, sterilizacije i kastracije pasa, kao i plan realizacije ovih aktivnosti, te iste dostave vijeću na razmatranje.

O B R A Z L O Ž E N J E:

Da bi se kontrolisao broj napuštenih pasa na području Općine Velika Kladuša potrebno je uvesti nekoliko radnji koje su predviđene Zakonom o zaštiti i dobrobiti životinja Bosne i Hercegovine (Sl.glasnik br.25/2009 i 9/2018), prije svega tu spadaju:

- 1. Identifikacija vlasništva. Potrebno je usvojiti pravilnik o identifikaciji pasa, kroz registarciju i označavanje mikro čipom kako bi se omogućilo veterinarskim inspektorima da preduzimaju zakonom predviđene mjere-kažnjavanje neodgovornog vlasništva i napuštanje pasa.**
- 2. Program kastracije i sterilizacije napuštenih pasa i pasa u vlasništvu provoditi kontinuirano svake godine.**
- 3. U sklopu skloništa za životinje-azila obezbjediti uslove za realizaciju svih ulaznih i izlaznih procedura.**
- 4. Osiguranje kontrole otpada.**

Napuštene životinje i način na koji se rješavaju problemi sa njihovim postojanjem ogledalo su stanja u društvu. Odgovoran stav društva ogleda se u preduzimanju različitih preventivnih mjera kojima bi se spriječio nekontrolisan porast broja pasa, dakle eliminisao uzrok problema. Zakonska osnova, kontrola vlasništva, registracija i obilježavanje (čipiranje) životinja, masovna sterilizacija su odgovori na pitanje kako riješiti problem, sterilizovati postojeću populaciju i preventivno djelovati protiv nastanka nove. Sistemsko rješenje je već sadržano u zakonu kakav jeste i tako ga treba provoditi. Put rješenja je jedino i samo odgovoran pristup humanom upravljanju populacijom pasa u skladu sa postojećim Zakonom.

U proteklom periodu smo se mogli uvjeriti da postojanje skloništa za životinje (azil) bez ovih popratnih radnji koje bi kompletirale proces ne utiče na smanjenje broja pasa lualica., stoga se dovodi u pitanje opravdanost istog.

Ime i prezime: Zlatko Pajzetović
Klub vijećnika Naše stranke

Velika Kladuša, 18.02.2021.